

B. N. C
FIRENZE
1050
3

1050.3



HI

1050
3

FRANCISCI
MOMORANCII
DUCIS LUCEMBURGI
ENSIS RELATUS INTER ASTRA.



LUCEMBURGI animos & inexpugnabile pectus
Fama canet : tenui sat erit mihi prodere cantu
Herois fatalem ensē quæ forma secuta est,
Illatum cœlo : novus unde ardere Cometes
Creditur, & Batavis portendere funera terris.



Compositum tristi feretro lachrymabile corpus
LUCEMBURGIADÆ communi Gallia fletu
Mœsta sequebatur : pompæ medium inter honorem
Desuper in nimbo Mars adfuit. Ordine longo
Circum adsunt bellantum animæ, quæque ignea Olympi

Templâ colunt, quæque in terris mortalia corda
 Exstimulant, pulchroque accendunt laudis amore.
 Tum Deus, utque oculos, pallentiaque ora jacentis
 Respexit, sortemque animo miseratus acerbam est,
 Heu! quem te aspicio, sanguis meus, invida fata
 Heu sinerent! clade AURIACUM affecisse supremâ,
 Et totis poteras Belgarum expellere terris.
 At neque Bellorum finis tibi. Funera faxo
 Post tua te pavidus metuat quoque, & horreat hostis.
 Nec plura, in medios devoluitur, armaque ut alto
 Affixa exstabant feretro, Deus extulit ensẽ
 AURIACI domitorem ensẽ: simul aëra tranans
 Evolat, immensi simul alto vertice cæli
 Constitit, unde polo late Anglica regna videri,
 Et Batavorum urbes solitæ, & Germania tellus.
 Exertat Mavors gladium, in nubesque coruscat
 Sanguineum, ardentem: qualis, cum nubila fulgur
 Dividit, accensis rutilat longe ignibus aër,
 Ampla repercussi rutilat plaga cærule ponti.
 Arrexere oculos Batavi, arrexere Britanni,
 Ut vero feralem ensẽ agnovere per auras
 Ostendente Deo, subitus per cælum ululatus
 Exoritur: stupet AURIACUS, male conscia terror
 Corda quatit, trepidâ funestat imagine mentem
 FLEURUSIUM, STEINKERKA, & non reparabile LEUZÆ

Opprobrium , spumansque alto NERWINDA cruore ,
Montesque, infaustumque & adhuc BODEGRAVIA nomen,
VORDENIUM , & frustra cinctum aggere CARLORÆUM ,
Omnia quæ timido Batavus dum pectore Ductor
Voluit agens, tristescque animo reminiscitur ausus.
Bellipotens cœlo æternum dat fulgere sydus
Clarum ex alto ensem. Nusquam mora, ductile ferrum
Flammarum in longos visum se extendere tractus
Scintillans, gelidaque poli in regione locatum,
Respicit unde truces haud læta luce Britannos
Desuper, horrendum Batavis trepidantibus omen.

Interea Martis comites plausum æthere toto
Ingeminant, sydusque novum læto agmine cingunt
Ludentes cœlo, & festum Pæana canentes.
Tum MOMORANCIADEN, audacis & inclyta dextræ
Facta ferunt ; primis NASSAVUM ut fuderit annis
Assuêritque fugæ juvenem, ut victricia ubique
Arma manu circumtulêrit, Batavumque ruinæ
Frustra obluêtantem vexaverit intimus hostis.
Salve NASSAVI terror, MOMORANCIA proles
Ense potens, tu Fulmineæ compendia pugnæ
Instituis, nudoque doces concurrere ferro,
STEINKERKÆ quo more acies. Procul ignea grando ,
Sclopeti procul importunum & inutile pondus,
Ensem adhibes , uno ense volas, ensem omnia tela

Esse jubes ; terrore fugam simul arripit Anglus ,
 Belga simul , Bavari fugiunt , fugit acer Iberus ,
 Concisa in mediis rarefunt agmina campis.
 Munere quo, tua rite memor , tua consecrat arma
 Bellantum pater, & cœlo locat ipse sereno
 Æternum decus , usque suum dum splendida lumen
 Astra dabunt , stabitque ingens medio aëre tellus.

Talia per cœlum memorant ; applausit Olympus ,
 Applausere procul populi, & Gallica Regna,
 Fatiferumque enssem læto clamore salutant ,
 Et LUCEMBURGI referunt ad sydera nomen.

F. TARILLON, S. J.

1050 3

7
21

4M 957412

Mc

